

曲陽縣新志卷之七

選舉志論

劉師曠曰漢初數舉賢良其後復詔舉茂才異等

跡此不舉之士有司於是博采嚴穴隱淪經術材

智者以進而上又重嚴不舉之罰以爲勸懲故得

人最益唐雖開宋人望然終以文章爲進退而又

重門第故得失率焉宋以下舉類此矣近代取士

專以經義其發明孔孟之旨循循次第矣然審其

言未或審其人文質相畔爲多使其取仁義之言
踐履之豈云不及於古且其間材武備異之人選
選不乏卽門第中遂無其人乎顧養才者何如耳
爲士者誠無以淺見寡聞自限則俊杰將鍾於是
何乃咎山川哉作選舉志

曲陽縣新志

選舉志

進士

後唐

馬癡 明宗天成間進士

宋

王安中 徽宗朝舉進士歷燕山府宣撫使

元

趙餘慶 舉進士世襲將歷河南開封府尹

崔思政 舉進士年無考任海南道廉訪使

許 麾 至正中舉進士授河南開封府推官

岳德林 邑進士

關 鏞 順帝至正初舉進士

關恩義 順帝至正中進士授僉江東建康肅政廉訪司事

明

鄒 忠 洪武丁丑進士任河南臨漳縣知縣

選舉志

舉人

金

蔚

玘

正隆間舉人

邱

忱

皇慶中舉人

明

崔

鏞

洪武庚子舉人授江南泗水教諭

劉

宐

永樂甲午舉人歷河南府知府

羅森 永樂甲午舉人授山西翼城教諭

文華 永樂丁酉舉人授王府引禮

韓瓚 永樂丁酉舉人授山西晉府引禮

李華 宣德乙卯舉人授後軍府經歷

楊祥 天順乙卯舉人授府同知

李熙 成化癸卯舉人授河南孟縣知縣
西沁州州判祀鄉賢

侯威 成化癸卯舉人授山西繁峙

楊學魯 諸葛成字季人未仕

劉廷著

隆慶丁卯舉人未仕

張化

萬曆乙酉舉人未仕

楊家麟

萬曆壬子舉人未仕

選舉志

貢士

男

陳英

河南府經歷

高舉

山東東阿縣丞

王英

董鳳

山東淄川縣丞

甄茂

山東青州府推官

楊通

山東鄒縣知縣

安濟

陝西延安府知事

以上俱洪武

李俊

河南孟津縣主簿

梁玉

太僕寺主簿

楊瑀

江南太平府知事

李貞

山西聞喜縣丞

賈志

清瀆宮庭

東嶽廟

龍王堂

龍王廟

於春

西陽郡新志

卷之六

六

牛勝 未仕

以上俱正統

王恩 江西安遠知縣

楊銘 未仕

高達 未仕

以上俱景泰

王弼 山西忻州同知

李偉 河南祥符縣主簿

蘇亮

河南衛陽府教授

陳達

山西鄉寧訓導

張登

雲南應經

以上俱天順

馬瑛

河南衛輝府推官

張裴

河南許州判官

葛銘

陝西同官知縣

高緯

江西貴溪縣主簿

李 皞 山西代府紀善

高 峰 河南鎮平知縣

高 嵩 未仕

以上俱成化

劉 輔 陝西鞏昌縣主簿

閻 玘 山西襄陵縣主簿

齊 澄 河南陽武縣主簿

高 經 江南太倉衛經歷

蘇偉 陝西盤匡縣訓導

張洪 山西代府典寶

張松 江南徐州吏目

高賓 未仕

以上俱宏治

高綱 江南績溪縣主簿

趙愈 山西大同衛經歷

劉銘 鎮雄府照磨

李芳

山西襄陽府襄陽縣丞

田國用

浙江嚴州府經歷

鄧智

山西孟縣教諭

田耕

山東汶水縣訓導

甄宗儒

河南夏邑縣丞

蘇恕

河南禹城縣訓導

以上俱正德

楊謙

河南懷慶府經歷

李維粹

河南封邱縣教諭

王相

山西蒲城縣丞

王翔鳳

江南南陵縣丞

張亮

山東萊陽縣丞

焦美

山西陽汾縣丞

許燾

山東濟寧縣丞

紀浩

趙炳

山西靈石縣知縣

趙焯 山東昌邑縣主簿

李梅 江南江都縣丞

楊繼志 山西芮城縣知縣

劉芮 山東日照縣主簿

甄有恒 山東鄒平知縣

劉宗陶 山西大同府推官歷江南廬州府通判

黃佐 禮縣訓導

閻學文 雲南趙州同知

焦維藩

河南西平縣訓導

蘇紹先

山東曹州訓導

閻學詩

陝西山陰縣教諭

高名望

以上俱嘉靖

田助

山東海豐縣訓導

崔邦直

山東章丘縣丞

楊啓泰

山西陽城縣丞

以上俱陞慶

劉沂東

保定府易州訓導

白廷錄

河南襄城縣丞

李應春

江南興化縣注簿

楊守先

崔邦服

山西臨汾縣丞陞山西石樓知縣

辛重

張克勤

江南儀真縣丞

王可嘉

山東平原縣訓導歷陞魯府教授博洽風雅名擅一時

楊學愚

永平府訓導歷陞陝西華州學正

楊宗盛

山東泰安州訓導

田郊

山東鄒平縣丞陞鳳陽府皇陵衛經歷

王思

永平府訓導陞陝西延川知縣

魏中立

山東濟寧州訓導陞遼東復州衛教授

王繼文

大名府內黃縣訓導陞山西馬邑教諭

楊杰

大名府訓導

李久榮 選貢四川成都府通判補大同通判

焦三畏 歲貢山西霍州訓導陞繁峙教諭歷青州教授

楊作棟 選貢歷河南懷慶府通判

門大吉 歲貢任大名府長垣訓導歷開平教授

楊翹 歲貢任大名府元城訓導陞河間府慶雲教諭歷山海衛教授以養母致仕

門庭義 順天府霸州訓導歷山西河曲教諭獨石衛教授

楊一鳴 順德府鉅鹿訓導陞本府沙河教諭

劉性 安陽訓導陞保定府涞水教諭

李春光 順德府內邱訓導歷承寧教諭保定府安州學正

高維屏 四川成都府通判

高擢 順德府任縣訓導陞唐山教諭

以上俱萬曆

周廷枝 未仕

楊家鳳 泰昌元年恩貢任山西偏頭關訓導陞山西武鄉知縣

張士懋 天啓元年恩貢山西太原府通判

楊家龍 河間府景州訓導陞山西鄉寧知縣後陞忻州知州死節祀鄉賢

劉恒 歲貢河間府訓導

以上俱天啓

辛思

歲貢河南淇縣訓導歷江南望江訓導
河間府肅寧教諭

高昌運

崇禎元年恩貢朱仕

王心正

崇禎三年歲貢順德府南和訓導陞山
西滎河知縣致仕

王尙賢

順德府南和訓導

張其仁

崇禎七年歲貢任山東昌邑縣丞死節

駱善

順德府訓導

楊日蕃 不慕祿仕林泉自娛鄉黨重之

以上俱崇禎

本朝

武振華 前拔貢順治元年在山東高密知縣被難

谷傑 前歲貢順治元年在保定府慶都訓導

楊駿聲 前歲貢順治元年在寧津訓導歷瀆縣訓導

高昭 前歲貢順治元年在衛輝府推官陞汝寧府同知

劉昌後 順治二年恩貢任河南陝州判官陞靜海衛經歷

王士俊 歲貢江南廬州府經歷

劉龍 順治四年歲貢山海衛訓導

呂諧聲 順治五年拔貢考通判

楊為棟 順治六年歲貢任廣平府威縣訓導歷保定府邢州學正

焦濬宇 順治八年恩貢任江西安福縣知縣

李柱明 順治八年歲貢任順天府平谷縣訓導

田千鍾 順治十年歲貢任河間寧津縣訓導

焦蒸露 順治十二年恩貢任河南沔陰縣知縣

楊任棟

順治十二年歲貢
福建尤溪知縣
陞廣西橫州州判陞

楊方宸

順治十四年歲貢

張運昌

順治十六年歲貢任山東東阿縣丞

高運昌

順治十八年歲貢

李孕醇

順治十八年恩貢

甄羣品

康熙三年歲貢停止

楊方騫

康熙九年歲貢

楊天運

康熙十一年歲貢

張廷柱

康熙十一年拔貢

選舉

由陽縣新志

卷之十

五

選舉志

附分轄阜平貢士

按分轄自順治十六年始

鄒邦頌

順治十八年歲貢

李三俊

康熙九年歲貢

選舉志

按科舉舊額八名明萬曆壬子科中式一人乙酉
廣額二名共十名

本朝順治二年廣十一名三年七年俱十三名十一年
增至十七名外遺才二名然而應試盤費止限八
名士多苦之

又按新進生員舊額無定明萬曆四十五年取三
十一名四十六年取二十二名崇禎三年取二十

三名

本朝順治四年取十四名六年七年各取十六名十二年取十二名及至公派一切差徭曲邑獨與大縣同例而科舉新進之額仍屬小縣殊不得其解也

舉志

薦舉

北朝魏

魏子建

高祖時東益州刺史

魏釗

子建族弟事高祖中書侍郎

魏彥

釗子肅宗時拜驃騎長史

魏季景

子建弟莊宗時中書侍郎

東魏

魏舉

杜弼 武定中膠州刺史

魏收 季景族子歷仕魏齊光祿大夫

邸珍 事顯祖歷定州刺史司空

北齊

魏彥 季景子高祖時遷著作郎

邸琛 從高祖起義拜長史後兼尚書左僕射節度諸軍事

隋

杜臺卿 弼次子文帝四皇初拜著作郎

唐

張恪

承務郎試左武衛兵軍參軍

張元超

恪之孫試銀青光祿大夫太子詹事

元

關鐸

本學教諭

張庸

睢州判官

邱士毅

信州路推官

明

齊亨 洪武初舉人材授禮部主事

陳禮 洪武初舉明經歷浙江金華府知府

甄堅 洪武初舉明經授廣東道御史

田珍 洪武初舉人材授戶部主事

劉遺 洪武初舉明經授同知

南貴 洪武中舉明經授知縣

李恒 洪武中舉明經授廣東道御史

孫昌 洪武中舉明經授知縣

賈

麟

永樂中舉明經歷任都御史祀鄉賢

楊

監

永樂中舉人材授陝西渭南令

李

節

永樂中舉人材授晉府教授

馬

育

永樂中舉人材任河南道御史

日本書紀卷之六

卷之六

六

選舉志

武科

晉

辛睿鐸

雲騎尉銜都山寨務使

元

邸大亨

太祖初授金符總七路萬戶府事贈中山郡侯

邸琮

太祖時遷總領七路兵馬鎮徐州

李進

世祖至元初授蒙古侍衛親軍都指揮僉事

邱 決 世祖遷鎮國上將軍都元帥封高陽郡公

楊 瓊 世祖至元初武署將軍累贈宏農伯護軍國公

邱 常 世祖時為行唐元帥

邱 澤 世祖至元末遷懷遠大將軍郴州路總管

邱 榮仁 武宗大德初為宣武將軍鎮廣東

楊元泰 屢封宏農郡伯

明

趙 錦 承樂靖難授金吾寺卿

源

楊守道

隆慶間中式進士

縣新志

卷之七

選舉

七



選舉志

例監

男

李經 山西太原府經歷

李麟 鎮海衛經歷

王璋 山西平遙縣丞

劉琥 河南陳留縣主簿

劉瑀 序班陝西隴州判官

崔岫

陝西平涼府照磨

許佑

河南商州吏目

楊宗義

山東臨清州吏目

許天相

增監在山西遼州吏目

王達

山東臨邑縣主簿

王悅

江南淮安府知事

楊宗信

江西廣信府知事

楊廷珉

王之屏

煙旺

河南陝州吏目

郭經

趙朝宣

楊采

山東卽墨縣丞

劉朝聘

楊凌

瑀之曾孫

楊凝

山東膠州吏目

甄延庚 河南陳州吏目

楊宗政 湖廣岳州府照磨

年授例十年考定知州同知

選舉志

馳封

元

楊

德

元統元年以孫謙贈兵部尚書上輕車都尉弘農侯

楊

訶

至正十年以子元泰贈曲陽縣子屢贈弘農郡侯

明

張士懋

天啓十七年任通判崇禎二年覃恩封承德郎

楊 準

崇禎十三年以子家龍贈文林郎鄉寧知縣

選舉志

恩蔭

北齊

魏彥卿

季景子武平中為散騎常侍

杜 蕤

弼長子武平中為大理少卿

魏仁表

敞子奏為嗣隆化中至膳部郎

隋

杜公瞻

弼孫煬帝大業中為安陽令

杜之松

唐子大業中為起居舍人

唐

張務期

洛子試奉禮部

宋

王辟章

安中子徽宗時知泉州

王 柁

安中孫孝宗乾道間官刑部侍郎

辛審

府鐸子襲雲騎尉銜都山寨務使

辛彥璋

審子襲奏使攝都山寨務使

鄭順

字平太，相時，即中山府。

楊謙

瑛子，世祖選大開翰林學士。

邸元謙

澤子，咸宗時，襲額州萬戶。

邸貫

瑛子，仁宗時，襲重武將軍。

楊謙

瑛三子，仁宗皇慶初，歷內宰司空。

李雯

遷子，仁宗皇慶初，襲武德將軍。

邸棋

元謙子，仁宗延祐中，額州萬戶。

邱士忠

貫子英宗至治中襲宣武將軍

李朶耳只

雙子燕趙中襲武德將軍

邱文

士忠子英宗至治中襲宣武將軍

邱忠

棋子英宗時襲鎮州萬戶

楊

諒

使 襲遼寧帝至正初大都督守采石局大

明

彭

璉

原子天順初襲承衛鎮撫

曲陽縣新志卷之八

人物志論

劉師峻曰於乎賢才之生關於氣運豈其微哉況於節義之尤者乎生其時者既願見之恐後後時而覽其遺事又自恨生不同時節槩之感人繇來尙矣彼其忠憤出於至誠初無邀名市寵之心其貫日星而皎然者感通固有幸不幸豈以成敗計哉而自命賢豪間者其氣誼蓋無窮也謀足以扞

疆場而交又可以斷金石此其人豈木彊者流所
可幾乎若夫自致青雲而精白廼心期政成於淪
浹絕市道於圭簪臣心如冰此可鑑矣是其爲臣
軌乎亦有文采足以表見風規洽於傳聞言並鼎
彝箴同藥石而屬草疾於飛雲談經明於秉燭又

其餘矣更有韜鈴足用武勇堪賈身倚長城之寄
志馳伊吾之北得此一士隱若敵國者其可尙與
美於庭闈之內變教橫塗不幸而有致性盡倫殉

生成烈之事此亦君子誦讀中痛心愴目所不忍
見聞者也是其可風乎且夫人情不甚相遠也豈
天之生異人靳而不數見與抑激勸者之無其人
與何其願見而久未見其人也作人物志



陽縣新志

人物志

忠節義

明

楊家龍字惕若文德村人天啓四年甲子歲貢
歷河間縣景州訓導人文賴以起進士賈太初
張國樞王廷傑皆出門下以薦當擢令中丞盧
公世淮贈以文謂人曰吾於此文無諛詞崇禎

十年丁丑任山西鄉寧令邑殘民瘠流凶強半
龍力爲撫綏在任七年如一日逋戶皆復業兩
臺使者交薦之疏入得命旨甲申轉忻州守時
流寇躡山右涖仕未兩月寇猝至環攻之龍度
民力難支慨然曰城必不守守則徒創民耳吾
出若輩可全也遂挺身出罵賊不屈賊刃之從
容以死城果全先是寇屠榆次相望僅百里而
安定王分藩於忻龍急趨之使盡室行蓋以賊

破城輒先收宗人也龍死士民祀於名宦順治
二年里人復祀之鄉賢

張其仁字天如南孝惠村人孝子務朝裔孫也
幼聰慧偉容貌萬歷四十年壬子初應童子試
學使一見器之亟爲拔之即補廩生邑令其

極隆禮之仁愈自避匿絕無私謁居山村獨往

獨來言笑不苟然最慷慨有遺錢穀者輒還其

券崇禎六年癸酉序歲貢十五年授山東昌邑

縣丞履任兩月遇大亂城破不辱而死

趙倉字京樓城內人樂善好施值荒歲日煮粥

濟餓者崇禎十六年賊陷定州死者狼藉倉於

賊去後雇夫輦車緣處屋之有繡衣使者至特

予善高天下區以旌焉合縣草邑多流寇城守

甚嚴有賈田二僮童不戒於火焚城東南角樓

令當斬倉悉其非奸代籲於官立爲修葺費其

死鄉人高之舉於鄉飲酒者三十餘次

人物志

名賢

戰國

藺相如事在史記爲趙宦者令繆賢舍人未聞
生於何地按廣輿記趙人應入郡志今旣附入
鄉賢姑存之

元

關思義玉子舉至正間進士學術正大器宇宏

曠爲南臺御史歷遷江東廉訪使所至有善政
民多懷之

明

賈麟永樂中以博學明經薦用累陞廣東右布
政使初仕政尚嚴明治行卓絕及爲布政使益
厲操守不阿權幸廣居海濱珍貨充牣宦其地
者無不膏潤麟解任歸行橐蕭然居家閉門却
掃如寒素以疾終一統志澤其歷官有志節萬

曆三十七年祀鄉賢

李應春字子寅萬曆初以明經授江南興化縣簿傅家以孝居官著聲興於揚州爲劇邑巨族鄰比昏禮習爲侈靡諸生貧每不能娶春捐俸資之完室家者咸帥其妻望署而拜簿職倉廩出內時承平久厥粟朽積春以賑士之不能舉火者次第皆盡揚地濱海專鹽利故批驗掣割率借他員嗾使者知興簿清苦檄令往治賈客

有持金至者春一切却之垂橐而反使者得狀
且怫然曰簿未悉吾指耶然以是益重之邑令
武林凌登瀛相與爲莫逆交時凌有慶禮他僚
盛儀爲敬春手一幣往或笑曰奚簡若此凌見
之喜曰是乃相知真意敢不拜賢者賜歷任四
年歸之日邑薦紳聚子弟謀曰李公仁惠若此
今行李儉甚吾儕宜有以致之或曰唯唯不不
若未知公也吾儕固致之改之以素所不欲安

能博一色喜乎相與賦詩歌寫圖畫又爲敘太
母之貞節而爲之傳是所以不朽公也僉曰諾
因遂爲兩帙以致焉季子平授陝西竹林關巡
檢不就孫柱明以明經薦亦稱能詩云

田郊字東野性磊落不羈貌英偉詩酒譚笑一
時有元機之目每自念才品謂可坐致青雲於
家人產弗屑也弟鄺諸生而貧盡以已產讓之
自僦別室以居後以選貢授淇縣丞非其志抵

任日作勸民歌凡催科奉職皆有法甫八月以
憂去服闋補鄒平丞歷六載厚士恤民立社學
勸諭墾田一切皆非丞所規每令有所委決故
不卽理盈牘至數十令促之急乃以一日驟雨
造俱集片語折之俄頃都畢無不允當然用此
益爲令所忌前後署淇縣鄒平蒲臺新城海豐
五邑毫無染指終以才氣自負與世俗忤稍遷
孝陵衛經歷斥閒地者又六載後以委解十庫

願料爲公事所累傾其家以憂死歿無營葬之
費時論惜之子千鍾順治十年舉明經

王思字子睿其先山右人國初徙居曲陽世有
隱德十六代至進卽思父友愛昆弟周恤鄉黨
禱於岱宗而生思思幼穎慧垂髫卽食餼於庠
爲人敏達不屑屑生計邑中大利害則必諄諄
力爭雖見忤當路不恤也三應鄉試不中年四
十以明經授永平府學訓導至則督課諸生敦

崇德行一時名進士如陳王庭韓原善馮運泰
白養粹皆出其門薦紳韓應庚抗直絕少許可
雅重思撰言贈之後陞延川知縣延爲陝瘠邑
思遊刃自如時督稅內臣梁永播惡大吏無敢
仰視差二役至縣殘虐害民思憤然曰焉有虎
狼於此殺人而令可閉門不問者乎竟羈二役
發其囊得所許朱提賂物悉上報卽求掛冠府
道咸以獠虎鬚壯之會洛南盜發巡撫鄒汝壁

其題詞未疏未發而疾猝數日得肯至致仕歿
之日識與不識悲泣盈路邑令許東周歎曰此
亦古之遺愛也邦家無怨其庶幾乎爲之表其
墓焉

王心正字允修思之子也幼讀父書登金嶺南
和訓導陞山西榮河令榮地才瘠通賦強半官
此者朝受事而暮解組時闖賊過河邑城北人
逃正增築新城旦夕告成積糧近二千石充賑

饑殍監軍直指楊公往來河上目悉情形會同
省方陳公具疏議調河津謂龍門要地非精明
廉潔之吏未能勝任舊令以丁艱去查榮令事
事遊刃堪以調補下部議覆然正生平狷介會
津人忌之者有流言正乃稱病乞休撫軍旣知
流言有由遺書監軍曰榮令旣蒙知遇又有官
評此疆項吏當亟扶之豈可聽其去耶正請告
愈力杜門裹藥者累月乃得致仕歸

人物志

宦蹟

東漢

馮衍杜陵人幼有奇才王莽時多薦之者不仕
光武以爲曲陽令誅斬劇賊及日食陳八事多
所建白論功當封以魏殿故實不行明萬
十七年祀名宦

金

李木魯端仁遼城人大定中令曲陽修文廟繕
城池疏靈河時嘉禾產於河鮮有德政

元

關玉新樂人中統三年調曲陽令邑稅歲爲權
貴攬持公首革其弊民食滄州鹽自滄而府多

未便公請於府得直給各戶歲省民千緡嘗春
行省耕馬逸哺民系計直償之蠲災禱於嶽祠
信宿螟死請調餽遺一無所入尋改高陽令百

姓請留不從至則治聲益振至元四年改葉城
令卒葬於南郊

明

洪誠雲南昆明人正統九年以進士任性簡約
食無兼味里甲糜費一切革去後陞苑馬卿吏
民懷之

畢玉江南山陽人天順四年以進士任廉而愛
民不遺餘力學舍殿祠多所建置稱能吏云

喬良山西忻州人成化二年任政尚嚴明鋤疆
植弱自奉惟布袍蔬食嘗出郊勸農袖胡餅自
食民以糲飯進不辭以肉菓則謝去成化八年
歲荒撫字安集民無流亾其修學校不尚文飾
規制宏壯可垂永久秩滿陞隴州守去之日民
泣留如失父母萬曆三十七年祀名宦

賈世祥山西代州人嘉靖三年以進士守正

不阿威惠並著改滑縣政聲益振擢御史

周寶山金鄉人嘉靖二十一年以舉人任嚴
毅公廉不受私謁興學勸農始終如一治北有
水漲爲民患築長堤二百餘丈以鎮之當時賴
焉今遺跡尙存在任八年陞邳州守

楊早四川內江人嘉靖二十八年以舉人任持
已廉存心慈所有規置悉宐於民每朔望登明
倫堂進諸生講析疑義啓後進者古循吏風附
宛平尹歷南戶部員外萬曆中並祀名宦

陳可大山東歷城人隆慶二年以進士任性簡
靜不尚粉飾御下嚴厲門禁肅然居常默默無
所語至幾務旁午則剖決如流在任四年陞揚
州府同知尋轉南工部郎中

馬汝湖廣江陵人萬曆元年以進士任才力明
敏遇事能任時有驛遞累民宣大倒馬諸關凡
橫索者槩不應後稍從紫荊關往來差役以蘇

歷南戶部郎中

越民職江南丹徒人萬歷三年以舉人任政務
惠愛而行有次第錢糧舊多逋欠爲小民累公
設法區處四五年間民不見吏

吳三畏河南祥符人萬曆八年以舉人任明爽
寬平以本縣地薄差繁力請諸當道除去站銀
千餘兩至今賴之擢澧州守

鮑獻書江南歙縣人萬曆十三年以恩貢任慈
惠愛人任事勤敏以實心行實政絕不沽名市

譽初縣自嘉治八年代郡郵交河寄養種馬四百五匹每年賠累二千四百三十金民間困苦莫可控告相沿至萬歷八年公力爲申請得奏免九十餘年之害一旦得蘇他如修儒學察院實出俸薪又置買學田十頃餘民感其德特祠祀之

許應科陝西南鄭人萬歷二十三年以舉人任博身耿介疾惡如讐合口曠使肆虐秉正不阿幾

中其禍竟以抗直去官士民惜之

趙岱山東平陰人以舉人任慈惠簡易萬歷辛丑歲大饑公謂義倉粟少難以徧給乃多方勸輸賑貸之活者數千人時有礦稅之擾公力與稅監爭具陳其便宜者數事稅監心折西北鄉民賴以甦息邑舊有草厰草十五萬有奇每年派民出陳易新賠累千八百家士民苦無告者公甫至卽力請諸當路凡三控始得允公惠政

多類此歷任二載餘陞浙江紹興府通判

謝傳顯山西安邑人天啓五年以舉人任器端

才敏政尙清簡一時衙蠹釐剔俱盡邑僻山中

人率以錢爲出內終歲無懷金於市者每徵比

日糧長走百里外求白金頗艱苦公令輸課聽

以錢入民便之其上司起運諸項不可以錢上

者則召諸大賈諭之曰若輩坐收民利歲已贏

今暫爲民勞令昇錢去準有餘錢每歲時諸大

賈有所餽輒拒曰若以此啗乃公耶衆恐皆皇
遽持去邑故無社學僅得南關外觀音堂數椽
狹甚公卽創爲堂三旁舍二教習相延由其中
補博士弟子員者六七十人任三年陞南兵馬
歷南易太守

楊音雲南趙州人崇禎十二年以舉人任修葺
成堂更新置社於名城等村開渠灌田至八賴
之

洪秉誥浙江樂清人崇禎十六年以舉人任滅
耗羨者濬利值歲荒所積贖緩貯穀千餘石
悉贖以賑士民故兵燹之間民多恃以無恐

人物志

文學

北魏

魏季景子建弟也天平中爲光州刺史季景少
孤茹苦自立博學能文弱冠有名京師與族子
收名相亞洛中號爲二魏魏莊帝時爲中書侍郎
郎孝武帝釋奠季景與溫等昇李業興竇瑗等
俱歷司農卿魏郡尹卒無餘財遺命薄葬所著

文二百餘篇

魏彥釗子也博學善書趙郡王幹辟開府參軍
廣陵王羽辟記室俱不行陳留公李崇甚重之
引爲鎮西參軍事崇討叛氏楊靈珍等又請爲
記室參軍中山王英討淮南亦請爲記室參軍
軍還求爲著作佐郎思樹不朽之業以晉書體
製繁襍欲正其紕繆刪其游辭勒成一家之典

俄而彭城王開李崇稱之績爲椽兼知主客

郎中書遂不成王遇害歸里清河王復請爲詔
議王勢高名重深爲權幸所嫉彥恐懼其禍固
辭以疾肅宗初拜驃騎長史轉光州刺史

北齊

魏收子建之子也年十五能屬文好騎射折節
讀書初仕魏爲太學博士孝武帝大發士卒狩
於嵩山之南時天寒朝野嗟怨帝從官及諸姬
王奇伎異飾多非禮度收乃上南狩賦以諷焉

帝手詔褒美久之除廣平王贊開府從事中郎
收不敢辭乃爲庭竹賦以致已意時孝武猜忌
齊高歡內有間隙收遂以疾辭免及魏帝季歲
大射普令賦詩收末句云盡書徵建業折簡名
長安高澄壯之北齊文宣受禪令羣臣各言爾
志收曰願得直筆東觀早成魏書故帝使專其
任文宣每以酣宴之次云太子性懦宗社事重
當傳位常山收謂楊愔曰太子國之根本不可

勤播至尊三爵後每言傳位常山令臣下欵二

若實便須決行此言非戲收忝列臣下當守之

以死惜以收言白於帝自此便止及帝崩於晉

陽驛召收及中山太守楊休之叅議吉凶禮並

詔誥仍除侍中遷太常卿謚及廟號皆收議也

天統元年除左光祿大夫行齊州刺史收以子

姪少年申以戒勵著述中書無極壯麗卒謚文

貞有集七十卷

隋

魏澹字景子也年十五而孤好學博涉經史善
屬文瑯琊王儼爲東魯大都督除澹曹參軍尋
與諸學士撰御覽書成陞殿中郎中隋高祖卽
位出爲行臺禮部侍郎聘陳還除太子舍人深
禮遇之令注史信集復撰笑苑詞林集稱其博
物數年遷著作郎仍爲太子學士高祖以魏收
所撰書褒貶失寔平繪爲中興書事無倫序詔

游別撰魏史澹所著魏書甚簡要大矯收繪之
失上善之有文八集三十卷行於世

杜臺卿好學博覽解屬文仕齊位中書黃門侍
郎修國史後兼尚書左丞齊亡歸鄉里以禮記
春秋講授子弟隋開皇初被徵嘗採月令廣之
爲書又玉燭寶典十二卷至是奏之賜絹二疋
以耳疾拜著作郎致仕有集十五卷齊記十卷
並行於世

宋

王安中以進士及第調瀛州司理參軍歷秘書
省著作郎政和間天下爭言瑞應輒表賀徽宗
觀所作稱爲奇才他日特出制詔三題草立就
除中書舍人擢御史中丞開封邏卒夜跡盜盜
脫去民有驚出與卒遇者卒縛以爲盜民訟諸
府不勝考掠遂誣服安中廉知之得免狀卽出
民抵卒罪有徐禋者以增廣鼓鑄之說媚於蔡

京奏遣禮措置東南九路銅事且令搜訪寶
貨禮請開洪州山沈迫有司以歲額其所烹煉
寶得銖兩而已禮術窮乃妄請得希世珍異與
古之寶器乞歸書藝局京王其言安中獨論禮
欺上擾下宜令九路監司覆之禮竟得罪時上
方鄉神仙之事蔡京引方士王仔昔以妖術見
朝廷戚里夤緣關通安中疏請自今招延山林
道術之士當責所屬保任宣召出入必令察視

其所經由仍申嚴臣庶往還之禁並言京欺君
僭上蠹國害民數事上悚然納之遷安中翰林
院學士歷拜尚書左丞旋授燕山府宣撫使時
郭藥師跋扈安中不能制及張覺叛金奔燕金
人來索安中不得已殺之函其首送金終以是
啓覺靖康初提舉嵩山崇福宮又貶象州安置
紹興初復左中大夫有初學集七十六卷傳於

人物志

材略

漢

李左車事見漢書初未著其生於何地今旣附
入鄉賢且云城南二十里有墓未免傳會聊關
之以俟考

北朝魏

魏釗子建族第也博涉羣書兼資文武知名梁

楚淮泗間高祖南伐召授內都直待左右隨次
淮南諸城未有下者釗進曰陛下百萬之軍風
行電掃攻城略地所向無前然而師次淮南已
經累日義陽諸城猶敢拒守自謂必可保全也
今陛下卒徒果銳殺掠尚多人皆畏威未嘗懷
惠恐一旦降下妻子不全所以遲疑未肯先發
臣請間入城內見其豪右宣達聖心示以誠信
必當大小相率面縛請罪陛下拔其英傑因而

任之此外諸城可不勞而自定高祖嘉之遂夜
入城中示開生路城中大小欣悅明且開門出
降自此而南望塵款附高祖謂釗曰卿之一言
逾於十萬師揚我信義播於四表卿一人之力
也卽授義陽太守又令釗與諸將統兵討襲所
至無不摧破時經略江左方大用之遇疾而殞

南朝宋

辛胤鐸周辛伯之後遷於曲陽之仁孝里祖重

殷父弘慶世以射獵爲娛鐸少有權略值晉末
宋初邊境蜂起乃聚衆驅逐賊寇共保鄉里勅
授銀青光祿大夫檢校太子賓客兼殿中侍御
史雲騎尉充鈐轄都山寨務使年七十二卒於
家

明

趙錦在城里人洪武三十三年爲燕王麾下騎

將時李景隆屯兵白溝河拒靖難兵燕兵迎戰

不利王乃收軍遠營夜秣馬秣旦渡河索戰及

交鋒燕將房寬敗張玉等皆有懼色王曰勝負

常事耳乃先以十騎馳擊南軍飛石如注射其

馬凡三被創而三易之提劍左右奮擊劍鋒折

缺不堪擊乃稍却馬阻於堤幾爲南將瞿能所

及錦知事急卽與王子高煦帥精騎數千前與

王合彼此相持日薄午旋風起王見南陣少動

乃以勁騎繞出其後遂斬能父子南兵敗北郭

英等潰而西李景隆潰而南遂取白溝後論功
行賞封錦衣金吾右衛指揮

彭原正統初任錦衣衛將軍宿衛兼經筵侍衛
官土木之變有扈從功以軍覆潰散天順復辟
遣使召之而原已死其子瑄授錦衣鎮撫

本朝

張運泰南孝墓村人前貢士死節張公其仁仲
子也甫弱冠卽與其兄運昌克紹先業當順治

元年流寇方縱橫

畿南尚未殲滅草竊者不知凡幾有土賊冉才美
招集凶命數千人盤踞邑南之牧山寨爲立名
號意在剽劫邑人患之是時運泰材勇絕倫甚
爲冉賊等所忌嘗有墮城屠戮之志終不敢輕
發必先密圖運泰而後舉焉士民偵知其謀乃
入白邑宰廖君廖君卽折簡招運泰宣言賊意
因屬以平賊運泰再拜稽首唯唯請行願期以

明日遂還家與老母別誓以此身往死賊所爰
集平日敢死者十餘人與俱初抵寨不數里有
賊將高進孝方縱淫掠運泰迎擊之卽生擒進
孝乘勝仰攻遙見前鋒一人將下寨格鬪運泰
急關弓射之其人復應元倒賊衆矢石如雨且
上下之勢負絕自午及酉亦矢盡力窮矣姑小
却俟明日進攻但見賊兵其據寨口一泉汲飲
甚迫運泰喜曰破之必矣因密置大礮百步之

外引其端與汲者相向一發命中賊將夏克符
中毆死運秦大呼先登據山泉至日夕賊渴甚
不得水有殺騾馬吮其血者雖未盡潰然窮蹙
已甚又時維五月旱魃千里忽西北有紅雲蔽
天揜映烈日彼此顧視面目衣甲皆如血色冉
賊大驚懼以爲援兵至也將由寨北小徑走運
秦率死士扼之賊不及戰遂立斬冉才美賊乃
大潰會烈風驟雨斬賊首千餘級顛墜崖谷死

者不可勝數自是山寨悉平鄉人至今皆能言
其事也運泰身長先尺臂能關十石弓今年雖
漸及五十然而食牛之氣不少挫云

人物志

孝子

唐

張務朝其先南陽人父恪試兵曹叅軍務朝幼而聰敏博經史居父喪廬於墓側晨夜哀號泪盡成血有羣鳥日集其廬彩雲見於上諸侯以聞方下詔褒之未及而卒子元超試銀青光祿大夫檢校太子詹事性恬靜不趣祿仕年九十

以宣宗大中七年卒於家至今名其里爲孝墓
云

明

李熙登成化癸卯鄉試父喪廬於墓側感盜送
米縣令聞而異之以純孝表其閭後任河南
縣知縣秉正不阿不少忌諱蒞任未久惠政在
民當道以其戇直改山西沁州判卒於官萬曆

三十七年巳酉祀鄉賢

李呈醇字含真補邑諸生以孝友稱性俠烈膽力過人能馳射崇禎戊寅之亂文德村在縣東南十里衆心洶洶未知所避李氏父子兄弟謀曰護家口宜城固鄉里宜村今村執在先掠城卽不可支或萬有一全且令婦女心有恃也呈醇慨然曰吾與兄偕往耳乃率壯士夜拔弓刀護衆西行及十里墩哨兵突至族弟李三喜者應弦斃焉衆欲竄呈醇厲聲止之日勢已至此

竄何往援弓射之殪其馬 舍而去度城已不

能至則約衆渡河而南里許 又合遂呼天訣

衆曰命在是矣昔燕趙多慷慨士我輩詎非其
人拔刀待之衆皆欲死鬪敵又舍而去抵村無
恙父子兄弟悲且喜謂無復憂越三日驟聞馬

嘶出視之則老營掠境村人星散矣遂舉家走

蒼黃中父弟皆被執兄不知所之時呈醇猶守

西樓見父弟爲所執一躍而下入隊奪之因而

與俱執甲者擁之去

曰吾不與汝共天頭

可斷身不隨汝也奪其刀欲自剄敵以爲刺已
遂刃於家之南園先是在西樓時或勸疾行可
免叱曰吾父弟俱陷吾可獨求生耶下而死村
有大古楊村人劉汝淮避其上目擊前後甚悉
兄萃醇弟孕醇以孝行並爲鄉黨所重云

許從志文德村農家也家貧糠覈不給自鬻以
供母崇禎戊寅冬大兵壓境弟許存年數歲爲

掠者所得志聞走就之泣告衆曰吾弟吾母愛
子吾母老弟去母何能生請以身易衆不聽曳
存上馬志曳而下者再終不可得遂用拳毆又
拾石擲之破 而且 曰吾寧吾血染此十喪
弟以割母愛吾不忍也衆怒刃之腦破而死弟
存因得以其間亾去奉母終身

焦洽字慈順村人廩生負剛直嘗率百七十七

倡除衙蠹崇禎戊寅冬鄉盡爲兵掠母湯氏年

八旬日且警負之逃得一土窰坐之時鄉人皆
旁歸謂其命曰子姪宗祧所關係不虞則負生
人又曰亦止書先人手澤存焉若 至火矣自
埋之蓋下天已睛親故約之去縣曰吾廬墓在
是毋未遠欲避安之難 至執治字索金無有
曰降子曰不可果遂殺之竟由之陳其母在土
窰無恙逾年弟濟字與子遂構窰之壁裂掘之

書史類全

續刻

本朝

彭柑邑優廩生燕趙村人性至孝侍父疾常以
口接痰居室無私蓄即妻之攜自母家者必令
進之母居憂不久內不茹葷酒不對賓客大
輒詣墓所伏而哭前後六年如一日手鈔
勸孝詩歌一冊標曰庶見集不時展玩
兄弟四人俱有疾革時尚聯床外齊出

不徑竄自無邪視遙見婦女即引避爲文好深
沈之思尤長詩古試輒冠軍赴京兆三薦不售
卒時年僅三十有六時論惜之邑令王蘭廣敘
文誌其墓并手書孝行足式匾以旌焉



節烈

明

劉氏羅成妻年二十成卒無嗣姑崔年老家貧
恐有他志割面之誓以有死無二姑死躬為葬
艱難勞苦見者敬之

鮑氏高毅妻年二十使使... 其幼... 之...
曰貞女不... 一者... 其... 其... 其...

耶誓以死乃止事姑曲盡孝道成化嗣事聞詔
旌其門

劉氏牛理妻年二十五玘卒哭泣幾絕乃以糞
絲一縷付匠者囑之曰夫有遺命棺務寬大棺
成夜繼於側遂共棺而葬

劉氏生員李沂妻年二十八歲夫亾旣殯以頭
觸棺流血仆地親屬勸慰以撫孤立成乃得不

嗣訓子應舉以貢授官明經柱明其曾孫也

楊氏辛集，妻年十九，夫亾，哀痛躑躅，水漿不入口者三日。翁姑勸慰曰：「汝從夫地下，得矣如吾二人，何乃進勺湯拮据生理，養親撫孤子，辛童爲貢士，孫列邑庠，姊卽李沂妻，節婦出於一門，當時羨之。」

甄氏劉開科妻，夫亾，遺一女，號泣不食，遂縊死。尸傍有司具棺檢葬。巡方使者旌曰：「貞烈。」

劉氏廩生張瑁妻，瑁有文名蚤卒。劉年二十六

欲殉之翁姑垂泣止之曰爾死全爾節矣吾兩人及遺孤將何所依劉號泣稽首乃勉受命課子張繼昇亦食餼於庠

周氏孝廉楊家麟繼室年十五歸於楊甫歲餘孝廉遘疾旦夕侍藥必親嘗夕則禱天願以子代孝廉歿哀毀再絕越三日乃盡簡囊篋什兄嫂撫棺長號以必從地下爲志家人嚴白之不

行間遂朝夕泣血勺水不進數日病不能起迫

原

书

缺

页

原

书

缺

页

楊崙妻也崙早死楊事舅姑彌謹

之如威師崇禎戊寅冬家人避兵於野楊請

翁曰翁偕子孫避徙無不可者婦等女也倘不

測名節掃地矣遂以繩引其媳登山之巔匿焉

移時兵四至楊懼不免躍崖而死媳安氏見姑

墜亦與俱墜兵退二屍神色不異如生時邑令

榆次王楠聞而嘆曰姑媳同志視死如歸千古

昭然於今爲烈安氏諸生于堂妻也

韓氏北洪德村武生韓邦振之女年十四未字
人崇禎戊寅之亂同衆婦避廟中大兵至欲犯
之女抱持神像號泣不從兵怒遂刃之死於六
村龍王廟前

本朝

牛氏李棟芳妻年二十一歲順治二年夫與
姑他出族人某排闥入欲強犯之氏誓死

中
國
不
能
以
南
海
為
刀
而
死

陽縣新志卷之九

風俗志論

劉師峻曰語有之上作而下應風行而草偃故無
翼而飛不脛而走者風之謂也微而善入物莫自
知熙熙攘攘善俗以成徵徵逐逐惡俗以長何操
而懸絕若斯與是故長人者務握其權於已而無
聽夫積習之固然若起痼疾者拔其腠理而旋轉
之盪滌其心瞑元其目彼庸醫者環眎驚駭舌橋

而心悸而是人者且從容調劑之久之藥止而疾
瘳然後歎國醫之用藥少而攻疾速也然使當其
未瘳時卽智巧者猶或疑之況庸衆乎今邑俗賤
詩書而貴囂競蓋積習使然非大創以振奮之則
痼疾不可起師峻雖勉爲藥之未知有當於國醫
之劑否也若夫歲時伏臘所報之事仍其故俗而
婚喪諸大禮悖經亂紀者當徐定之異日者風淳

而俗美其在斯乎其在斯乎作風俗志

曲陽縣新志

風俗志

好尚

按曲陽舊志云男勤耕作女勤紡績布衣糲食樸
野而戇直有唐堯之遺風焉自明慶曆以來文物
頗稱蔚然而四禮在民仍多固陋親喪不事含歛
臨殯率用優伶壙乏誌銘族無譜牒至於治喪不
論山向但拘子午卽士大夫猶不免焉今且里閭

絕無塾師疾病不問醫藥士人不知聲韻荒嬉者
什之八九計萬戶王子以來科名竟未有繼者致
洪永間人材聿興非此邑與無他地日瘠而民日
貧俗日降而學日廢又飲博誘其外師巫耗其內
匹夫匹婦往往好鬪輕生而桀猾之徒相與構之
以漁其利是在長人者力有以教養懲戒之耳

風俗志

歲時

正月十五日登高 昔隋文帝是日與近臣登高
獨元胄不在帝馳召之謂曰公與外人登高不若
就朕今猶其遺俗也

二月二日以灰圍宅謂之引龍

清明日立秋千於郊踏柳

穀雨日書禁蝎符

四月四日嶽廟大會香火極盛四方貨物雲集麇
至康熙十一年知縣劉師峻以城守戒嚴易納奸
宄先期出示輒令商貨各止城外其進香者於臨
漪門外瞻拜而已

四月八日遊少容山八會寺觀浴佛

餘日與吳楚略同

市集

在城集

初十一 望嶽街
初三十三 陽和街
初五十五

南關街
初七十七 宣化街
初九十九 東關街

十一 北關街
二十三二十五 汶水街
二十七二

十九 朝嶽街

四鄉集 有六 附分縣阜平王快集

元召集 城東三十里 下河集 城北二十里

靈山集 城北四十里 宕城集 城北三十里

羊馬集 城南二十五里 南川集 城西二十五里


附王快集 城西北七十里

按四鄉市集惟元召間有米穀貿易商旅往來
後因雜稅繁重胥役作奸而馳惰之徒因復藉
端苛求以遂中飽於是遠近之販負者皆裹足

不肯至矣康熙十一年知縣劉師峻詳明各集

所以頽廢之故定於每年雜稅悉遵全書照額
征解纖毫不得浮額已奉

撫院金公批允刊示遵行



風俗志

土產

穀之類有黍稷粟大麥小麥秫杭稻糯稻芝蔴蒸

麥并各種豆

果之類有桃杏李柰棗栗棗梨柿胡桃葡萄沙

果蘋果石榴銀杏榛子

蔬之類有白菜蘿蔔葱韭芥蒜茄蔥蒿苣芫荽

菜瓠葫蘆綠瓜扁豆荳蔻通同黃王瓜西瓜冬瓜

藥瓜甜瓜

木之類有桑槐榆栝松栢檉檉檉楊棠檉檉檉

葵櫻

花之類有牡丹芍藥萱蓮葵菊鳳仙雞冠玉簪金

盞石竹木槿紫荆芙蓉梅丁香金盞葵竹金雀鷲

粟十樣錦落金錢金鳳山丹月記迎春紫胡蝶

檉棠紫末莉紫曠玫瑰吉祥金線桃秋海棠

草之類有葦茅蓼荻蒿苜蓿馬鞭管莠馬蘭蒲蘭

垂盆藍

藥之類有半夏地骨皮地骨鬼角薄荷艾車前子桑絲
子酸棗仁芍藥蒼朮牽牛荆芥括萎仁地丁紫
蘇遠志芎知母黃芩菖蒲牛旁子細辛山藥蘿
蔔子茵陳滑石大薊小薊金銀花

泉之類有麻綿布

帛之類有絲綿紬絹

貨之類有蜜蠟油靛解鋸沙礪砂煤炭粉土石灰

不灰木

畜之類有牛馬騾驢羊豕猫犬雞鵝鴨

獸之類有熊虎狼兔猴狐貍黃狃

魚之類有鯉鯽魴鮎鱖

介之類有鼈螺蚌

蟲之類有蠶蜂守宮蟋蟀

山陽縣新志卷之十

藝文志論

劉師峻曰余讀唐虞三代之書而知文章之與時
升降也治有煩簡而文章因之豈人力爲之哉邑
藝文首載祀嶽之文大哉

王言何其簡而法也與三代之誥相表裏矣下至歷代文
士登覽之作以及山川諸咏因得而論次之唐四
庫書目多者百餘篇少者猶三四十篇散亾者無

論其存而可讀者蓋已寡矣文愈盛而道愈衰可
勝歎哉曲陽鄙邑耳載籍闕略士多樸陋而志獨
廣收荒謬之言滋鄙俚矣今簡其可觀者若干篇
以助邑人士載籍之覽繇此而上溯唐虞三代讀
其書勉焉勿倦士風丕變將有望焉作藝文志

曲陽縣新志

藝文志

碑文

本朝

世祖章皇帝遣祀北嶽祠文

順治八年

惟神亘與朔漢永其真方上應星樞俯臨函夏朕

誕膺天命祇荷神休特遣耑官用申殷薦惟神鑒

焉

唐太宗祀北嶽廟文

貞觀十九年

蒼蒼元氣紀三統而成象
茫茫后土鎮五嶽以成
形衡岱啓東南之趾
嵩華表西中之固
惟靈山之秀峙
亘朔野而標奇
虎嘯龍騰風雲之所吐納
雲裳鶴蓋神仙之所往
還疊嶂參差疑煙含翠
重岡紛紜照日分紅
絕壁千尋孤峰萬仞
桂華侵月松蘿挂雲
幽澗冬暄飛泉夏冷
寶符臨代邠之美靈
蛇表陣勢之奇
樂石七年無以虧其大
含波九載

不能損其高巍巍乎與乾坤而永固隱隱乎橫
△而不絕屬以授旗趙郊誓師奠土敢薦牲玉
神饗之

祭北嶽祠碑

開元十五年 彫

唐張嘉貞

有國者殷薦於天地望秩於山川故災沴不生矣
有家者嚴敬於鬼神克諧於禮樂故休祐斯應矣
由是上下交泰幽明共叶五精同朗辰爲水其味
醜五鎮俱清恒爲冬其音羽大哉茲嶽殊於衆山

嵩華乃踞乎近甸衡泰不踰乎方域孰與夫包括
綿長經綸中外豈止劈冀魏截幽燕拒洪河撐太
海瀕洞合脊半天下之襟帶峩峩巉崑一字內之
標格者也孰知惟土有精惟山有靈宵宵冥冥其
道至平其德至貞氤氳馨香目之不覩夫形耳之
不聞夫聲陰陽不測夫奧所以存像設建祠庭矣
稽彼上古泊於中運五載巡狩百神懷柔皇王令

典以之叶祚數昌期以之永降臻羸漢爰逮周隨

匪修匪虔或替或僭不勤於省者其政缺非美而
封者其事訛嗚呼黷祭虛陳昭靈罔答吏張禮秋
固待邕熙粵若我唐正百主頽教恭惟我后揚五
聖不烈人祇允淡動植和暢乃籍北朔柴南壇碑
西岳泥東岱是用告厥功祇其祠也故穰穰介福
獲於彼顛厥衆心獲於此而今獫狁不熾已萬餘
辰邊隅於是乎靜雨雪其滂乃屢盈尺稼穡於是
乎豐豐以阜人靜以安俗俗安而人阜君睿而神

聰惟神幽贊已成惟君能事斯畢北巡之禮胥詠
其蘇雖黜輅纁旗未由冬覲而圓珪方璧每自天
來或事舉必祈福行宜賽則有公卿而奉新命也
或四時薦熟三獻酌洗則有侯牧而率舊章也非
夫昭信雅直豈常享於明代哉是以河朔人風潔
誠而禱蠶穀者衆矣春終秋孟冬首三之月尤劇
蘋藻自羞若從官斂樵蘇不禁孰能私伐蓋威靈
咸通所致其與禱祀而求者異乎夫道莫先乎貞

政莫先乎淳參造化以成萬物莫先乎神資帝王

以富四海莫先乎人護神莫先乎君公理人莫先

乎師長爰命菲才謬兼軍郡欽若明詔持兵導俗

無敢懈怠名山大川著乎典式靡不加敬於昭神

寢於嶽之陽伊嶽致神伊神王嶽高柯古幹幽蔚

陰翳俯仰瞻對精魂肅恭慄然何爲故以嗟嘆

之不足於是詠歌歌以發言言以彰德事可追於

風雅詞無隱於聞見神而聽之頌斯作曰五宿熒

煌風政休咎上經乎乾綱我君順之祚乃久兮五
宗盤薄陰化成敗下彰乎坤絡我君欽之福乃介
今天平地成神道助貞人事以寧兮皇極帝力神
道助直人事以息兮禎祥日新既祠既禮國萬斯
春兮風雨時若是耕是穫家勤於祈兮至誠通兮
昭冥叶和至道默兮對揚頌歌大恒如礪明德惟
我

祀北嶽文

三年

唐陳州長史鄭子春

夫清明著象虞大成形聖人則之作紀資始列於

五嶽視以三公率由典常靡不柴燎維厥恒岫寔
爲首稱故知碣石太行萬里延袤闕聳河滸盤薄
海濶畢昴降其精涼易疏其浸設險以分中外通
氣以出雲雷非陰陽不測之神其孰能與於此也
爾其峰嶸星聯草樹煙鬱靈仙表其窟宅珍怪產
其高深感通應見必契誠德藏瑤者知將亾之兆
制勝者效率然之奇龍蛇羽毛安可詳悉幽贊設

教神道有憑登臨極目如抵諸掌其陰則常嶮廣
武林胡樓煩其陽則燕趙殷衛面河沂雒自冀州
旣載惟彼陶唐提封庶品波委霧合財力豪贍貨
殖繁滋遺風祠宇巋然無易敬神綏福不孤德鄰
歆類誕靈安可勝紀定人禦侮陳迹昭然易知簡
能可大可久且收藏曰義生長曰仁仁義所攝祈
禱如市有年登稔穰穰滿家和平是特不生災害
我唐列聖重光再造區宇邦本胥悅俊又用彰天

功所代無非淑哲惟良其此枝賢責成彼美循吏
其猶踵武自昇中檢玉再展岱宗方岳省巡躬行
未洽今之故事牧守是遵敬遠之規載在王府使
持節刺史段公字崇簡學古入官政貴清靜人倚
其惠吏懾其威博考前聞肅祇明祀每躬行奠享
愷悌不忘神之所勞必在君子夫象設靈宇粹容
凝湛未施敬而自敬不有威而自威而簷廡階闕
尚多湫隘未增閑敞折衷有虧長松靡栢逕遂猶

福公乃審面勢規曲直延觀宇劃垣墉高開闔通
巷術周覽彌望列樹豐碑容籥森羅藻繪彪駁納
日月於肩牖駐雲物於軒檻光色焜煌爛如貝錦
不費財力而忽贖不徵方役而自成求誌志誠不
亦冥助先是冀方遘逼鴻獲元吉初求厚報其徒
實繁如山如流委輸斯積物無遺乏人不勦勞易
於從事百姓無擾商農工賈孚信不遺休徵允集
是依是賴自東胡遊命多歷歲年推存固亾天心

獨詔通命大使輔國大經軍左羽林衛大將軍幽

府長史兼御史大夫兼經略軍支度營田節度副大

使兼知河北道採訪使南陽郡開國公張守珪分

闔董戎假節專制抗稜運策克渠喪元屈人不戰

種落夷謚初有高陽人田登封於此祈福神君降

形而謂之日吾方助順取彼殘孽殄殲元惡懸諸

藁街果如其期止暴寧亂兵不血刃野不暴骸廼

聖迺神幽贊斯在雖霍山之佑無恤新城之見申

生以此寄言會何等級由是龐眉耆老皤皤然被
黃髮者相率而言曰某等上從祖德下及孫謀百
有餘年沐浴皇化鼓腹擊壤賡歌太平今屬牧守
仁明正身率下我有枳棘岑公不伐而自除昔無
襦袴廉叔聿來而稱足別駕符子珪長史高元奉
司馬李夔等咸輔導忠益克表其誠謀公道寔
毘方岳況乎廣運不測幽明人和謀無遺策人不
勞止刊石紀事不亦宜乎子春才愧色絲學非博

物課虛行，輪蹄護當仁。詞曰：巍巍巨鏡，幽都是託。

上接蒼旻，傍分寥廓。併吞冀野，枕倚沙漠。華夷險

界，隔閔斯作。其一凡所敬遠，必惟鬼神。式昭祀典，

大庇烝人。苟愚無作，政教日新。不孤其德，必有其

鄰。其二水火金木配神作主，允茲靈實。司朔土

東生南長，西成北際。詹庫開義，及及坻庾。其三五

載肆觀，今古有殊。豐約異軌，禮物分區。明德無替

潔，采不渝。神理昭赫，感應冥符。其四升中告禱名

山有五禮亦從宜何必循古率先岱宗望秩則普

精一無差允膺福祐 其五 隨時珍薦必俟王言或

降卿士或命司存執禮必備恭惟駿奔式顯明德

荷答乾坤 其六 我皇立極阜俗寧亂賢才是以凶

族咸窳叢爾林胡假息離叛殲魁撫濟人神協贊

其七 睿睿牧守寔獲我公既敷惠渥亦翦仁風有

葺斯廟陋彼前功溢狹增廣弘廓旁通 其八 庭廡

遂激容衛彌飾繪事後素翠彰款題工無遺巧人

不勞力垣墉徑隧內方外續九門閉高聳豐碑

列樹相質匪工受辛寧喻小子何讓敢忘景慕紀

功書實恢我王度 其十 崔鐸隸書

祀嶽題名

唐李克用

河東節度使檢校太保同中書門下平章事隴西

郡王李克用以幽鎮侵擾中山領番漢步騎五十

萬衆親來救援與易定司空同申祈禱翌日過常

山間罪時中和五年二月二十二日克用記易定

節度使檢校司空王處存看題至三月十七日以
幽州請就和斷遂却班師再謁粹容兼申賽謝便
取飛狐路却歸河東克用重記

重修北嶽廟碑

淳化二年

刪

宋王禹偁

臣聞元氣胚胎結爲山嶽幽靈盼饗降爲神祇矧
乎地屬陰方位居水德於八卦在坎於四時爲冬
固陰沍寒萬物之所藏伏早生晚熟五穀之所蕃

滋帝堯開唐國之封大禹奠冀州之域厥有巨鎮

茲惟恒山却雁塞以標雄壓龍荒而挺秀天官書
野勢當昴畢之星易象流形名叶雷風之兆下幹
坤軸高摩斗魁土俗粹靈登神仙者七十戶歲時
祈禱置祠祝者九十人藏簡子之寶符產昌容之
蓬藁足抵長城之窟影連大漠之墟積厚窮陰出
雲見怪雪霜風雨潛施及物之功泰華嵩衡共揭
參天之勢直是陰陽孰無王張洪惟嶽神受命上
帝代南趙北我寶主之福善鵬淫人皆仰止名載

乎祀典德加乎生民視秩於公遵周制也列爵爲
王肇唐室也旣奉時祀亦禳天災凡水旱癘疫之
祲玉帛牲牲之事必有昭報誕符至誠歷代奉之
其來尚矣我法天崇道皇帝之撫運也天祚明德
民懷有仁括禹畫於無垠化堯封於比屋文德麗
星辰之象武功彰雷電之威然猶宵旰臨民焦勞
克已師虞舜之無怠法文王之猶勤於是庶政交
修百神蠲潔甲宮室而崇廟貌菲飲食而厚牲膠

隆典無文我能具舉矧茲陰嶽固有徽章亟命有
司維新大壯烏臺御史持節庀材黃門賁人鴻工
蕙事梗柁杞梓以雲集繩墨斧斤而子來五材寔
繁百堵皆作乃復堂殿乃興廊廡門闕有翼階陛
斯隆繡栴雲楣互曜煙霞之色璇題藻井交含日
月之光旌旗衣服昭其文簠簋籩豆陳其數能事
畢矣神功煥然不憊揆日之期再聳凌雲之勢於
是戒尸祝命使臣我將落之神用至止願饗惟馨

之奠永安不測之靈三獻具而禮成八音和而神
降溪雲拂檻如絳節以翻空山溜垂簷誤鳴珂之
振響介爾繁祉庇吾邊民况獷俗之未平冀陰兵
而助順或示之禍福革彼豺狼之心或鼓以雷霆
勦其豕蛇之類然後雨我禾黍潔爾粢盛鑄農器
而毀戈鋌洊興多稼耕邊田而飽士卒永樂豐年
况今將相叶謀人神其忿豈使韓昌張猛刑白馬
而登東山將令去病衛青取天山而踰北海何往

不利無謀不臧尚思韓絳之言更鑒王惺之策安
民和衆弇天地以爲心舍垢匿瑕諒神明之降鑒
行靈臺之偃栢備法駕以省方千年南面之尊永
知高枕十月北巡之禮盡舉舜章輯五瑞於公侯
問百年之耆艾燔柴奠玉如西嶽之禮容陳詩觀
風察北方之哀樂聲明文物以咸備律度量衡而
必同升中於絕巘之前肆覲於重巒之下起白雲
而表瑞何止岱宗呼萬歲以效靈豈惟嵩嶽而已

哉臣沐浴皇澤優游紫垣慙非擲地之才有玷他山之石謹爲銘曰節彼恒山峻極於天崛起萬仞生乎一拳摩空憂漢控趙辨燕人皆仰止神或憑焉明明嶽神上帝所授不騫不崩可大可久其誰祭之皇宋哲后其誰尸之中山郡守聿新斯廟詔祠爾神齊泰山兮等梁甫並亭亭兮接云云飛英聲而騰茂實握乾符而闢坤珍垂千齡兮萬祀永昭德於吾君

重修北嶽廟記

皇祐二年

刪

宋韓

琦

天下之嶽五獨北之常山人目爲太茂山而嶽者
不著嶽有祠不知廢於何代今廟於曲陽縣之西
城距嶽百餘里考有唐以來記刻皆不載廢遷之
由苟非質於圖志人咸不知嶽之所在焉於禮祀
莫大於天地而五嶽次之古者天子壇以祀四望
若時巡至其所旣柴然後禘而望祀之廟而祭焉
其後世之文乎然爲之者誠有意焉耳夫嶽然而

石坳然而谷泉焉而衆派別林焉而萬幹擢嶽之
形也倏霽忽冥伏珍見祥喜焉而颯雨時怒焉而
雷電發嶽之神也人狎其形而易之也薪於是畋
於是安知其所以爲神哉君人者惠民之不知也
於是廟而象之以警民之耳目致其嚴奉之心使
違禍而趨福雖異於古其於教也固益明矣若其
視祭之品則三代以犧嘗以公有唐以玉我朝撫
有天下馴致太平真宗皇帝紹祖宗以建皇極封

太山祀后土曠絕之禮無所不講由是尊五嶽而

帝之加以安天元聖之號蓋愛民之意深則報

之禮重斯誠也雖萬世可知矣故廟宮之制崇飾

宏大惟禮之稱著於定令以時繕修歷年既長吏

職廢忽日風月雨以祀以瀟功大費廣久焉不葺

每歲立冬天子以廣者視冊就遣守臣以祇祀事

至則羅其饗豆醴酒之具與執事者升降於頽簷

壤廡之間遷而安然罔以爲恤慢神賓禮莫斯爲

甚慶歷八年夏六月 靖獲領州事得居嶽鎮之下
知廟之未完也由於 庀材弗給役徒弗充而民罹
水災歲以大歉凡厥 用度弗敢爲擾會有詔毀鄉
民之檀爲佛祠者得 取其材以濟之益兵暨工責
成於邑吏而曠時不 示通判軍州事屯田員州郎
游君開謹於其事願 盡力焉率其縣主簿李奕留
廟所百餘日悅使其 衆而勉焉弗懈於是 做陋朽
撓之迹煥然一新彩 繪塗墍罔不精好宜 神之喜

肸鬻來宅皇祐元年冬十月九日以訖功來告僚屬請以文志諸廟石夫吏之爲政也有善惡焉神之爲鑒也有禍福焉善視惡懲神之宜守臣當謹天子之命而治神之居潔神之祀修己以愛其民人唯神之所以禍福而已謹記

代祀北嶽記

元楊傑撰

五嶽秩祀制自唐虞有國家者遵爲令與今上皇帝臨御之七載是爲一以至元五年以正月十有七

日丙子召翰林侍講學士愛牙赤集賢直學士揭
傒斯至殿上敬覆香幣曰汝其代祀北嶽若北海
濟瀆南鎮其往欽哉臣等既受命以是月丁亥至
於北嶽與保定路達魯花赤黑廝曲陽縣尹闡夏
咸齋沐就次巳丑以羊一豕一敬祭嗣下薦灌陟
降儀物備周天地神清神人浴和禮既成重告於
神曰天子爲天下神民之主然國非民不立民非
天地山川出雲雨產時用無以資其生是故天子

祭天地山川社稷皆以爲民也惟神至茲北嶽我
國家受命又肇自龍朔則國家之運惟神是贊北
土之民惟神是依今天子親遣重使修其恒祀既
且謹神之報效當何如哉以美聽之遂書以爲

記

代祀恒嶽記

刪

周伯琦

至正十年歲在庚寅正月元日皇帝御大明殿受
朝詔遣使祠嶽瀆海鎮於是集賢學士資善大夫

臣沙刺班崇文少監亞中大夫同檢校書籍事兼
經筵叅贊官臣周伯琦分祠北嶽越十有四日已
已陛辭乘傳以行五日至曲陽縣宿祠下明日甲
戌臣沙刺班臣周伯琦暨嘉議大夫都守臣米紹
明行三獻禮天靈肅穆星月清潤牲體旅陳裸奠
巖慎祝詞薦忱肸鬻昭格咸曰耿耿休哉維天子
爲神人主神依人而行神饗則人寧然恒嶽北時
標望燕趙距京師五百里邦國貢齒磅礪渾原保

靈祀於億萬年豈直興雲雨資財用而已哉世祖
受命肇新祠宇歲致明禋與望秩之意若合一轍
皇上循彝典命專使於歲之元日所以敬神恤民
者無所不至夫畿甸安則天下之民舉安建用皇
極歛福敷錫從可知矣臣等代祠既竣謹書於石
以紀歲月臣伯琦再拜稽首而爲之記

明太祖遣祀恒嶽祠記

洪武二年春正月四日羣臣來朝皇帝若曰朕自

起義臨濠率衆渡江宅於金陵每獲城池必祭其
境內山川於今十有五年固敢或怠邇者命將出
師中原底平嶽瀆海鎮悉在封域朕託天地祖宗
之靈武功之成雖藉人力然山川之神默實相予
況自古帝王之有天下莫不禮秩尊崇朕曷敢違
於是親選敦朴廉潔之臣賜以衣冠俸齊沐端悚
以俟遂以是月十五日授祝幣而遣焉臣士舉承
詔將事唯謹二月十九日祭於祠下威靈歆格祀

事孔明禮石鐫文用垂悠久惟神收藏萬類奠於
朔方典禮攸崇綱維斯在尚期陰陽以和風雨以
時物不疵癘民庶乂安是我聖天子所望於神明
者而亦神明祚我邦之靈驗也是年二月內藏庫
副使臣魏士舉謹記

明太祖釐正祀典詔

洪武三年夏六月

自口元失馭羣雄鼎沸土宇分裂聲教不同朕奮
起布衣以安民爲念訓將練兵平定華彝大統以

正永維爲治之道必本於禮考諸祀典知五嶽五
鎮四海四瀆之封起自唐世崇名美號歷代有加
在朕思之則有不然夫嶽鎮海瀆皆高山廣水自
天地開闢以至於今英靈之氣萃而爲神必皆受
命於上帝幽微莫測豈國家封號之所可加瀆
禮不經莫此爲甚至如忠臣烈士雖可加以封號
亦惟當時爲宜夫禮所以明神人正名分不可以
僭差今命依古定制凡嶽鎮海瀆並去其前代所

封名號止以山水本名稱其神郡縣城隍神號一體改正歷代忠臣烈士亦依當時初封以爲實號後世溢美之稱皆與革去其孔子善明先王之要道爲天下師以濟後世非有功於一方一時者可比所有封爵宜仍其舊庶幾神人之際名正言順於理爲當用稱庶以禮祀神之意

北嶽稱北嶽恒山之神

於戲明則有禮樂幽則有鬼神其禮旣同其分當

正故茲詔示聞知

明太祖遣使告恒嶽祠文

洪武三年秋七月

磅礴中國之北參穹靈秀生同 天地形勢巍然

古昔帝王登之察地利以安生民故祀之曰恒山

於敬則誠於禮則宜自唐始加神之封號歷代相

因至今曩者口元失馭海內鼎沸生民塗炭予起

希衣承 上天后山之命百神陰佑削平暴亂正

位稱尊職當奉 天地享鬼神以依時統一人民

法常式古今寰宇既清特修祀典因神有歷代之
封號予起寒微詳之再三畏不敢效蓋神與穹壤
同始靈鎮北方其來不知歲月幾何神之所以靈
人莫能測其職必命於上天后土爲人君者無
敢預焉予懼不敢加號特以北嶽恒山名其神依
時祀神維神鑒知

明英宗遣使詣恒嶽齋禱雨文

正德九年夏四月

予奉天育民愧涼於德致茲久旱災及羣生夙夜

省躬中心惓切神司方嶽憂憫諒同雨農以時宜
任其責特茲致禱尚冀感通宏布甘霖用臻豐稔
非予之惠時乃神庥

建福修倪謹

祀嶽祠文

萬曆十三年

巡按御史徐待

天降明命用俾神表茲冀上臨代俯趙豈奇秀是
綜繁此邦小民是依厥流惟河厥輔惟太行戎據
其北我天子顧瞻三輔澤用是爲勤慮若曰俾爾
濟保又之御史奉職無狀實用天子命爲民相厥

利害甫歲罔有時恫民咸曰神休古者望祀名山
禮視三公厥功亦克茂哉式茲牲幣其敢有弗虔
惟爾神敬共天命衛國家以降康於民也御史有
罪亦曷敢有私禱

本朝重修北嶽廟碑記道光二十五年

王蘭廣

大茂在邑之西北崔崑巖業巍然見百里之外支
峰曲岫幽局宮別杳冥卉旭塊北曼羨奇瓌詭倣
超絕列嶽洵靈園之閉館百神之所都矣漢宣帝

神壽元年祀北嶽於曲陽而大茂與秦華並列歷
唐宋元明四代巡祀祭告咸萃於此由是崇飾廟
貌畫畫仙靈高靈崔嵬飛欄軒翥三閭四表九闕
八維豐麗博敞倨僂雲起構千載之宏基棟宇以
來未之有也迨明嘉靖丙午移祀北嶽於海陽

朝因之而曲陽之廟遂替順治康熙間開一補
舊觀至乾隆三十一年古滇陳曉

自是以來塗墍無加於

文志

家

重修少容山八會寺文殊殿記

邱忱

按少容山在曲陽南二十里蓋殷女昌容服食隱居之所也耆舊相傳謂爲黃山且云黃石公隱處今有黃公庵在焉又云常見夢於淨崇院僧普圓僧按所夢地得石像其言不經故不復述山之巔曰八會寺肇建於齊周間寺有八院曰上閣院下

閣院菩薩院鐘樓院普同資福壽聖等院故寺名
以爲八會云歷唐洎五代院頗殘廢宋景德初遭
契丹之亂焚燬殆盡獨開皇石經龕巋然存焉天
聖明道間年穀豐稔居民稍安乃獨歸功於釋氏
百家之聚必有精舍而河朔千里殿宇相望故皇
祐初詔佛寺擅興者皆撤毀之是時有僧審焉者
有勇力善射又能見鬼神始鋤榛莽巖棲谷汲仍
八會之堂殿故基又因山巒創爲大佛架石爲龕

十飛覺雅落門廡傾頽昔之規模廢焉

廣於道光辛丑歲令斯邑下車詣廟自階級堂

仰顧階身西月章然於古制之日湮靈宮之廢

壞有志修之恐重勞吾民也會壬寅歲舉人楊五

奎廟祝齊本英等咸以修廟請余難其實余云前

曉蒼陳君之修葺也慮取材之艱繞殿四隅植美

材焉今已十圍矣庭中古柏皆千年物也歲久而

疆者三十餘株豪右瞰其利厚往往恣意侵盜或

滋訟端若官為砍伐斂費以飾殿宇事半功倍計

無便於此者否則廟貌不存即樹亦終歸為有耳

余心韙其言乃請於前方伯陸費公 璆委定州且

隸州王公仲槐入廟履勘罕樹森列古柏雲遊作

之屏之者三十三株易金錢六千四百餘

之公正者董治之迺鳩厥工迺庀厥材計營

五十四間長廊廣廡辟條連曼藻極浮

承層檻由楹之彌敦

以覆之且謂山能止雲雨爲一境之望而無像設
禱薦之所迺詣五臺大茂諸山請水瀦爲龍池名
曰華嚴集聖池治平熙豐中祈禱輒應故定州路
安撫條其事奏請於朝得錫爵利民侯以顯其靈
時在熙寧九年也是後每中元日或月旦歲方有
秋縣令多率吏民登山賽謝士女羣集爲鄉邑勝
遊子少爲兒童時猶及見其遺俗焉本朝皇統間
冀州僧清萬者以寺闕南殿議作新之迺率居人

符普光張永寶合志同力經營始終凡十年殿成
而未有法王之像會僧寶寧者欲補其闕大備之
縮衣節食銖積寸累凡二十三年而造文殊師利
大菩薩像及于闐王凡四軀妙相巍巍如天童子
楞伽寶冠五百種色如現金剛頂又建層閣以護
之其椽榑檐楹朱軒璇題金碧璀璨真化人之居
也將使遠近瞻仰之人覩像生敬因敬得悟爲大
饒益不可思議功既成求文於予以記之予視寧

彤彩之飾裏以藻繡文以朱綠金碧交映珠璣
暉蓋用金錢五千緡有奇而大殿巋然屹若山峙
若飛石殿三山門招福門天一亭韓魏公碑樓圮
廢仍舊而費用不給董事者難之蘭廣復捐康爲
倡共得五百緡至乙巳夏而殿亭門樓巍然煥然
矣夫前事之不忘後事之師也古之爲政者因乎
天因乎地因乎時故孟子曰爲高必因邱陵爲下
必因川澤斯役也不傷財不勞民合抱之柱千億

之緜以廟中之所有還曩日之偉觀若有神相之
者非前有所因烏能快覩其成乎爰補植新柏三
百株留楊之旁業者百餘株用志前哲貽謀之遠
而後之來者修廢舉墜亦得所藉手云在官監工
者典史楊君受祐紳士舉人楊五奎武進士龔
武生員趙廷樹而任勞任怨始終其事者則生
楊浚其他名不徧及也

重修先農壇廟碑記

道光二十五年三月

願軀而貌異其言啾啾若不出諸口又無當世之
譽而能鳩贊役衆成此大事因緣其中必有過人
者因相與攝衣登山瞻仰慈容再拜稽首而讚之

往昔逝多林 善住樓閣中 文殊及眷屬

遊行來人間 清淨妙好身 天人莫能議

所行左右路 八步皆平坦 所住諸道場

十方常隨逐 世主供具雲 諸佛說法光

供養及照耀 無時或暫息 每覺及淨行

寂慧諸比丘 一歷菩薩前 聞法得三昧

今我與衆生 當此末法世 得瞻仁者像

禮拜及鬪遶 合掌作是說 我此幻假身

一切罪業本 六賊不暫停 諸趣所迷惑

復爲世網纏 云何得解脫 願放大光明

破我愚癡闇 願澍大法雨 救我貪愛然

願載大慈航 得渡煩惱海 願被忍辱鎧

降此諸魔軍 天龍及四衆 神鬼人非人

粵稽列山氏始辨五穀是爲粒食之祖

後稷教民稼穡農功益著甫田楚茨諸詩皆祭

祖而虔報賽蓋先農之祀自古爲昭矣惟壇易爲

廟非古之制然人食神之德即崇報神之功舍哺

鼓腹孰非神惠而愚民或忘其所自來從而廟之

而春祈秋報胥有以收斂其耳目而警動其心思

不特爲教之易明抑亦禮之所宜致者也曲邑先

農壇在城之東偏壇後有廟邑乘闕而不載未詳

所始顏垣之側有碣重建於嘉慶丙寅距今未四十年而遺墟僅存壬寅春行耕藉禮籩豆牲牢錯陳於蓁莽瓦礫之間而從事焉慨然欲謀重修而握篆伊始未之暇也甲辰秋迺捐俸爲倡共集賢若干俾趙生廷樹與農長趙萬清工書張鳴岐董其事鳩工庀材兩閱月而告成大殿三楹則丹雘輝映也週垣四壁則屹立迴環也院中有甍宇有樹均疊砌而培植之復建門樓一座使

等於一念間 同得無生忍

重修思補堂記

年終

古之君子其心無斯須而不在民也故雖處山林之深邃廟堂之崇高其心恒周乎荒涼蒙翳之野陋巷窮閭之中鰥寡孤獨饑寒流離惻然如身在其間爲之委曲思慮必得其所然後已況親爲之牧乎親爲之牧而不一爲之深思遠慮則是忍人也豈所謂民之父母乎且父母於子念其饑寒恤

其勞苦防其疾疹而又爲之營貲產以養其生延
師傅以成其業凡可以紓目前之患而預他日之
地者無所不用其心焉今之爲民父母者果能若
是乎不能若是是冒父母之名而不能盡父母
之道者也不能盡其道而徒欲責民之盡于道以
事我難矣惟我淮陽畢君至以進士知曲陽縣又
明年政行惠流吏民浹和乃爲燕居之堂於廳事

後題曰世補蓋取前令朱君所堅所改名也舊名

其啓閉由是棲神有所祀事益嚴昭格之可
爲吾民降之福乎行見災沴不生豐年屢應則所
以迓神庥而邀神惠者正無窮期也至於隨時修
葺俾勿朽壞則又有後之君子在

重修文昌宮碑記道光二十五年

王蘭廣

文昌爲司祿司命之星亦猶天市之主貨財天倉
之掌五穀其垂象若至遠其爲理實至確自道家
者流創爲一十七世之說其言不經可弗置辨惟

肖像以祀則具有深義大凡常人之情有所見則志凝無所見則心弛燕馨香於曠野則視爲荒渺而不之信一有冤旒執圭者臨其上甲冑持戟者列其旁不覺悚然動容而俯首聽命焉此廟像之設雖其制爲非古而爲教固益明矣曲邑文昌祠縣志在明倫堂之東北隅康熙季年邑令某君南移建文廟之西余蒞任以來朔望展謁見其像而問泮瓦脊搖動西壁半就傾頽斜風疾雨淋漓

環翠洪武初朱君重建而易以斯名今亦廢矣君
距朱君七十有二年始爲此堂而有取乎舊名者
蓋思所以補報乎 朝廷也噫知愛乎民卽知所
以忠其君矣予因君之請而爲之記如此使凡世
之吏茲土而居茲堂者尙因子言以思君之忠於
無窮

管關廳題名記

曹光祖

凡廳事有題名碑所以著名姓昭勸戒也茲廳之

設肇自正德庚午守臣奏增通判一員設廳曲陽
專司倒馬龍泉固關三關事宜至庚午奏革嘉靖
己丑又復之當路者毋亦以其必不可缺而再置
之邪嗚呼此題名記所以不容已也余嘗巡視三
關及諸隘見其萬山巉巖道路阨塞 聖明在上
賢俊柄用然山多礦沙連年饑饉貧民相聚易以
爲盜時或揭竿嘯聚山居之民卒無寧寢時加捕
緝雖已鼠伏然有徒實繁未可卒銷每年防守量

屋非所以肅神棲而嚴祀事也客冬捐資重修
神廟尚餘制錢五十餘緡復捐俸若干補其不足
仍命趙生延樹督其役迺集厥材迺鳩厥工不兩
越月而薨棟簷壁煥然一新帝像則莊嚴之門垣
則補葺之所費不甚年廟貌已復舊觀後之君子
果隨時修理較之創造之艱固易易耳若夫進士
賞功陰陽造福固皆星君之主宰然萬里鵬搏先
養六翮九天鸞薦詎待一鳴神雖至靈不能爲潛

修者止其步亦不能爲怠惰者策其程也故朱衣
黃卷之辭概從略焉

身書之總急而謂成因之以爲多寡之較官此
聽者與聞茲政焉其責任可知也已今歷五十餘
載而繼而來者蓋已十有三人尙未有記誠缺與
也嘉靖辛酉秋九日子受命來此因詢往迹漫無
可考迺嘆曰名者實之賓前者後之鑑也夫君子
固惡夫好名歿世不稱亦嘗疾之及今不記則後
將益泯暇日詢諸耆老遂得其先後姓名并此廳
之因革因礮石刻之以傳永久嗚呼登名記籍據

名稽實後之人將指之曰某也善某也不善然則
茲石之傳可勿懼乎余不敏願與後之君子勉之

重修曲陽縣學記

劉師峻

曲陽

畿甸之地化行必自近始而化本於教此學之所立
先務也昔三代之政出於學而士出於農出於學
則治淳固出於農則習惇樸此教化之所以行也

家重學同於三代而士風蔚起

天子之化廣而備孔子之道尊而明矣曲陽故有學學宮
頽敝垂四十年修飭未具甚不稱

天子重學之典師變初入謁環觀喟然以爲儒者之事孔
子不如其事佛老也今二氏之宮有廢墜者新之
葺之不謀而同而釋奠之堂任其頽敗無有顧瞻
而太息者非必以二氏之學愈於吾道也蓋忘乎
仁義之說而惑於福利耳董子曰正其誼不謀其

利明其道不計其功況及於二氏之功利乎此爲
不端其本矣今年夏雨澤屢降堂廡就傾於是它
材鳩工計直受事不徵於助不役於農凡三月而
工竣乃進諸生而告之曰孔子之道不必以堂廡
之穹窿而著也然禮備則道尊道尊則教行教行
而化及於遠此政之出乎學者也諸士生於此上
樸質蓋天性矣古之士恒出於農其此意與唯樸
故不習華靡而近於道繇是充其學於六經以貫

穿史乘彬彬進於三代矣豈二氏之教所能感乎
諸士其懋勉之皆曰唯唯請書於石以告來者遂
書之爲記

芾陰亭記

涂 酉

邑治東偏有嘉樹焉令君構亭其間爲公退燕息
之所客過而題之曰芾陰云清秋蔭鬱碧合四圍
寫影高空神凝響息晴煙欲飲明月來親少焉樂
句輕調玉賓寂默忘已冥澗光無際客曰此爲

令之樂也豈非康壽之樂與美哉蔭乎遺愛其在
此矣培護斯亭宜俾有譽主人題遊巡謝曰僕不
堪也無以及召公客曰惟其有之是以似之公之
講也又何讓焉退而書之以紀於石使後之覽者
知公之政清而多暇也今君江都新婁度名師峻
風以好客聞人比之鄭當時云

勞井亭記

劉師峻

宰是邑者憂汲例役於民供億之小者也而民力

存焉余承之曲國既除廢家之役其明年夏思并

免服汲者乃相治隙地鑿空泉召工作事日給以

直計訾若干掘三丈餘滄然湧沸掬而飲之甘芳

溢於中而達於面以此洗心以此蠲濁余蓋以自

警焉或曰官於是給役於此土匪爲厲也旣芟雜

穠蕪蕪費肥鮮不御矣而勺水是供且惜民力使

僮僕汨汨然朝夕轉轡轡毋乃勞乎余告之曰余

之爲此蓋欲飲水而溯其源若井之養而不窮匪

徒自潤而已故名之曰井井凡以綱舉目張胥詮
次而罔紊焉何勞之足云或又曰亭焉何也余謂
亭而告之曰公退之暇坐是而思理人之術其有
壅而未通者吾將引之其有溢而未清者吾將濬
之引益流濬益深有原有委勿傾勿壞將以告夫
來者若謂余勺水不飲乎民而以此示潔焉余則

何敢

序

贈楊平吾序

袁宏道

今之文章黃金贄而白璧酬非高貴人不文也袁
 子曰驛宰楊君行也而不佞贈以辭云楊君匏係
 一官屏陵屏陵楚中孔道無論楊君一一得上人
 驩其吏若卒皆嘖嘖嘆也夫為大官稱職易為小
 官稱職難官大有勞必顯有功必榮華廡可坐而

致也且又任意無所左官小則廉矣而不必以廉
名忠矣而不必以忠名卽得名而亦榆枋間耳要
以蛾眉易畫顰笑難工轉盼之間動而得尤則往
往而是吾是以知驛宰之難爲也夫惟爲大官易
則天下士盛飾而入朝不足奇爲小官者難則天
下之米鹽奔走者陸沉其中亦無足怪然揚君非
有華瞻之望也又掣肘而不得自由獨以無廉名
而廉無忠名而忠其無所爲而稱有如此者不揚

未之有也其言不悅其行矣又何疑於得此聲邑
人士也古之君子不爲卿相則多隱於抱關擊柝
之中監門侯生何豪哉士在自立不在位位非所
以論楊君也蓋楊君爲人溫然如玉其行諒固可
書有子又皆奇才異日必高貴人者也則謂予之
文章文高貴人可也

檄

移梁朝檄

杜 弼

皇家垂統光配於天唯彼吳越獨阻聲教元首懷
止戈之心上宰薄兵車之命遂解縶南冠喻以好
睦雖嘉謀長算爰自我始罷戰息民彼獲其利侯
景豎子自生猜貳遠託關隴依憑姦僞逆王定君
臣之分僞相結兄弟之親豈曰無恩終成難養俄

而易慮親尋干戈釁暴惡盈側首無託以金陵遠
逃之藪江南流寓之地甘辭卑禮進翫圖身詭言
浮說抑可知矣而僞朝大小幸災忘義王荒於上
臣蔽於下連結姦惡斷絕鄰好征兵保境縱盜侵
國蓋物無定方事無定勢或乘利而受害或因得
而更失是以吳侵齊境遂得勾踐之師趙納韓地
終有長平之役矧乃鞭撻疲民侵軼餘部築壘擁
川舍舟渡河是以援抱棄麾之將拔距投石之士

含怒竹色如赴私營彼連營擁衆依山傍水舉螳
蝮之斧被蛄蟻之甲當窮轍以待輪坐積薪而候
燎及鋒刃纔交埃塵且接已亡戟棄戈土崩瓦解
掬指舟中衿甲鼓下同宗異姓縲紲相望曲直旣
殊彊弱不等獲一人而失一國見黃雀而忘深窞
智者所不爲仁者所不尙誠旣往之難逮猶將來
之可追侯景以鄙俚之夫遭風雲之會位班三事
邑啓萬家揣身量分久當止足而周章向背離披

不已夫豈徒然意亦可見彼乃授之以利器諒之
以慢藏使其勢得容姦時堪乘便今見南風不競
天亡有徵老賊姦謀將復作矣然推堅強者難爲
功摧枯朽者易爲力計其雖非孫吳猛將燕趙精
兵猶是久涉行陳曾習軍旅豈同剽輕之師不比
危脆之衆拒此則作氣不足攻彼則爲勢有餘終
恐尾大於身踵癩於股偏強不掉狼戾難馴呼之
則反速而繫小不徵則叛遲而禍大會應遙望廷

亡後禍延林木城門失火殃及池魚橫使江淮士
子荆揚人物死亡矢石之下夭折霧露之中彼梁
王者操行無聞輕險有素射雀論功蕩舟稱力年
既老矣耄又及之政散民流禮崩樂壞加以用舍
乖方廢立失所矯情動俗飾智驚愚毒螫滿懷安
敦戎業躁競盈胸謬治清靜災異降於上怨讟興
於下人人厭苦家家思亂履霜有漸堅冰且至傳

險躁之風俗任輕薄之子孫朋黨路開兵權在外
必將禍生骨肉疊起腹心強弩衝城長戈指闕徒
探雀殼無救府藏之虛空請熊蹯詎延晷刻之命
外崩中潰今實其時鷸蚌相持我乘其弊方便駿
騎追風精甲輝日四七並列百里爲羣以轉石之
形爲破竹之勢當使鍾山渡江青蓋入洛荆棘生
於建業之宮麋鹿遊於姑蘇之館但恐革車之所
輻輳劍騎之所蹂踐杞梓於焉傾折竹箭以此摧

殘若吳之王孫蜀之公子歸款軍門委命下吏當
卽授客卿之秩特加驃騎之號凡百君子勉求多

福

山陽縣志

卷之六

三

藝文志

神道碑

元朝列大夫騎都尉宏農伯楊公神道碑銘

姚燧

公姓楊氏諱瓊世居保定路之曲陽縣高祖不可
遠推惟知大父其次居五而逸其諱妣王氏生子
二長曰德娶李氏次日榮娶張氏德之長子曰進
娶石氏次瓊卽公也又次善娶閻氏女適劉氏榮

之子長曰從娶元氏次日正娶張氏女適陳氏郭氏公之次子謙狀其父之行實泣而請曰謙將以皇慶壬子之良月舉柩歸葬於鄉之黃山先祖之兆吾父以石工進維艱就功今不敢以舊之所業爲諱乞銘諸噫子不忘本也其何敢辭公生而魁梧幼與其叔榮同藝每自出新意人莫能及焉名聞世祖詔公等來都時中統初元也所經城市獨不與羣輩戲日取玉石斲一獅旣成持以獻帝曰

此絕藝也丞相段公葉孫不在傳旨命管領燕南
諸路石匠自中統二年至至元丁卯建兩都宮殿
及城郭諸營造於是三遷領大都等處山場石局
總管時西京有年總管者與共事上賜銀符一莫
擇所授因語衆曰若輩爲楊氏者東列爲卞氏者
西列羣趨而東乃以符授公於此見衆工之所心
服者公也歲壬申建朝閣大殿等於近畿撥戶五
千爲役較之前此可免官錢五十萬緡從公請也

甲戌董功玉泉山剖黑玉石中得壽龜再獻是年
冬錫金符此其爲瑞何必良相張顯哉一日侍設
相二公宴立標的命衆射公挽強引滿一舉而中
信乎公之所長不局於石工也乙亥拜壘書採玉
石提舉以白玉石盤入貢上顧其美髯喜賜鈔
年丙子架週橋或繪以圖進多不可上意獨允公
議因命督之時段貞尙書疾董入奉御代王營造

善事段語董曰是橋當責成於楊頭之乞工上悅

賜黃金及上尊二瓶其壽公盡以置地於齊化
門外指房山縣之北爲畝千餘其爲子孫久遠計
類此迹其平生工力如兩都中外及涿郡等寺察
罕腦兒宮殿涼亭石洞浴堂北嶽神尖鼎爐山西
三清神像獨樹山等廟宇難以悉數雖錫賚數數
然精力亦瘁於此丁亥除武略將軍判大都留守
司兼少府少監明年戊子積勞不已勞悴滋甚謙
適扈從之野去之日心痛形瘵諸執政詰其故曰

思親耳亟遣其歸侍公曰吾忍死遲子來汝其以忠謹報國家越一日而逝夫人趙氏後公十有四年爲大德壬寅卒耐焉閨門之中秩然有法可謂賢也已至大戊申謙拜壘書翰林直學士朝列大夫公以恩追贈朝列大夫騎都尉宏農伯夫人趙氏宏農太君男三長曰訥娶王氏早卒次謙娶劉氏封宏農郡君又次謙謙歷受壘書今從仕郎內

司丞張氏曰謙謙歷受壘書今從仕郎內

嗚呼當國家混一之初相宅經始百工子來必有
魁然智巧之士獨能人所不能者出焉布衣而見
知於萬乘一日而致富於千金此豈偶然之故哉
且名一藝者皆可致身著微顯幽亦理之宜況銖
寸計工鞠躬盡瘁其視持空言蠟榮顯者爲何如
夫天之生才也難才之遇於世也又難才者慧慧
之麗於福也爲尤難才與世不相候福與慧適相

符吾於今日矣農伯揚公見之雖然造物與公似
若少靳然公之子聞益著位益隆足以顯揚其親
與方伯列等亦可以無憾矣公平生嗜欲泊如食
不兼味衣必純素所賜金繡之衣遇大會嘉禮則
服之餘不敢褻也至今都人稱爲楊佛子則其爲
賢厚長者從可知已銘曰天補五色地鎮九光剖
而獲印忠孝之祥匪石則然繫德爲良節距丹闕

龍盤紫梁年千世百巋然成章人奚奇異氣秉貞

剛既勤且成三十兩霜昔焉業此今其可忘見謂
神人有髯戟張帝曰嘉止金幣實壽期止所建宅
費弗遑龍州之橘成都之桑寶以世守是爲一庄
爵胡不崇年胡不長謙也鉞銑謙也琳琅賜封告
第衣錦焚黃繼繼承承公亾不亡義門四業見所
未嘗英靈戀繆徘徊故鄉卜歸於吉黃山之陽玄
農燕奇何可比方所可比方關西之楊太史繫詩

以壽斯臧

藝文志

贊

偃松屏贊

并引

蘇軾

子爲中山守始食北嶽松膏爲天下冠其木理
堅密瘠而不瘁信植物之英者也謫居羅浮山
下地煖多松而不識霜雪如高才之人生綺紈
家與孤臣孽子有間矣士踐憂懷安知非福幼
子過從我南來畫寒松偃蓋爲護首小屏爲之

贊曰

燕南趙北大茂之麓天僵雪峰地裂冰谷凜然孤
清不能無生生此離奇北方之精蒼皮玉骨燒
醫醫方春不知沍寒秀發孺子介剛從我安
中之英以洗我瘡

詩

贈栢巖禪師

賈 島

野寺絕依念空山曾徧行
老來被衲重病起讀經
生乞食嫌村遠尋溪愛路平
多年栢巖在不記栢
巖名

水竇巖漱玉亭

金章宗

斷岸連蒼山寒巖多積雪中
有萬古泉淙淙聲不

絕

恒嶽

大學士石 瑤

半世尋山破幾錢
恒山剛在北窗前
飛來翠色多
隨蓋吐出青煙
半是蓮隔水數峰
醒病眼出林泉
鳥下長川遙看一線明
如雪認是西巖瀑布泉

嶽祠雜詠

濮州蘇

勳 巡撫

玉帛趨羣望冠衣儼上宮
地形幽朔迴祀典岱嵩

洞飛石徑真祠崇壇表未妨
肅瞻憶雲際氣勢本

才通

謁嶽洞

陸安商大節

遊撫

飛石何年到宮墻此獨尊過雲連北闕馳霧達天
閣崖壑諸靈拱丹青古殿存間閣思帝德鐘鼓報
晨昏

望恒嶽

六首之一

少保喬

宇

曾聞恒嶽有仙臺翠壁丹峰絕點埃逋客豈招元
鶴下洞臣非為碧雞來石枰人去餘秋響嶺樹猿

歸起暮哀洞口桃花春正好
豈真何必羨天台

北嶽篇三章

空同李夢陽

北嶽元來當北極五臺常自五
雲生金銀氣湧青蓮頂宮闕
星連黑帝京一覽乍疑燕代小
徐看真覺華嵩平天門獨卧牙
巖月風殘嘈嘈廣樂鳴

其二

巉巉一片飛來石黑帝行宮起
曲陽北狩明堂虞

典禮西京穹石漢文章功深雲
雨龍蛇會勢限華

美虎豹躡今代朝廷開北極恒山千古是金湯

其三

天高西北還喬嶽下視東南盡大洋元武蒼蒼
流黑扶桑滾滾影浮黃回巖日射千松暗絕頂風
來六月霜安得移將萬人石頓令炎海坐清涼

謁恒嶽廟

四首之一

王士禛

嶽勢盤空接太行東連瀛海正茫茫紫芝峪僻迷
元谷白虎峰高俯夕陽北狩當年逢朔雪重華何

處建明堂獨憐後代輕河北錯認天風落棟梁

謁北嶽廟

三首之一

仁和馬三才

巡按

去年東嶽暮春歸今日西關欲授衣城內名山真
獨勝世間何石可能飛雲霄老檜蒼龍起晉魏殘
碑碧蘚依民瘼莫方曾念及水鄉八月稻梁稀

謁北嶽廟

二首

濰縣劉應節

井陘道

大茂山深擁帝州曲陽宮殿肅清幽地舍靈氣常

夜宿關人... 故早秋冀野關河盤地轉元天星

釋抱雲流雲朝禮樂仍虞典不用登封五嶽頭

其二

黑帝高臨太乙都登壇玉陛照金鋪明堂禋祀還
今古畫壁精靈信有無東里雲霞連紫鳳北來烽
火隔蜚狐籌邊謾道兵車力海嶽千年是壯圖

謁北嶽廟 二首之一

吳興顧爾行 御史

豪情五嶽夢遊偏北極山川到眼前烽火不傳關
外戍望柴猶見帝城煙白雲萬里遙分越紫氣中

原盡入燕金簡至今崇秩祀可無風雨答堯天

謁北嶽廟 二首之一

方承郁

何年怪石任飛翔遂有遺踪在帝鄉地近五臺朝
斗極天青三輔照龍荒參差絳節金爲闕縹緲珠
宮玉作梁見說恒山何所是渾源西北古封疆

謁北嶽廟 二首之一

秦麟晉

蒼茫烟樹出層巒躡履登臺一縱觀南望鄉關迷

大華北瞻宮闕近長安鶯啼楊柳春暮雲暗山

城畫欲寒自古神明敷下土閭闔此日正癘殘

謁北嶽行宮

上虞鄭一麟

井陘道

何年怪石訖飛來萬載行宮向此開
望處自然陳玉帛升中無復問崔嵬
龍蟠繡篆迷年代鳥跡靈文蝕
蘚苔徙倚曲廊摩讀遍神功多漏史臣才

嘉山夕照

陳芳

地產嘉禾後山橫夕照邊
林稍紅抹綺鴉背紫凝
烟影没天將暝光搖水亦然
汾陽兵百萬曾此凱

歌旋

春日諸子邀遊嘉山

陳世祥

攬勝尋幽翠良朋載酒行
仙梓人去杳佛峪水空
明山猛生風力巖深悅
鳥情暝烟歸路合村火認
東城

少容山

新樂李昌齡

遙望峰巒碧四圍興來聯轡扣山扉
村村林麓分
青靄曲曲何流寫翠微日暮寒雲迷古洞
秋深落

葉點征衣素書疑在烟霄上坐對長松了道機

香巖閣

四首之一

邑人李柱明

一上層岑望海門
邇來遠處發真源
長荷揮漢濃
將滴渴竦奔流勢
欲吞洞裏猶餘丹
竈冷松陰尚有石
枰存扶筇躡磴搜
竒盡更剔殘碑琬
琰痕

癸酉夏日重過海雲庵問愚公上人知已物化
感而賦此

安邱劉正宗

五載風塵客
雙林幾度來
青山如舊約
曲徑似重

開世路誰萍梗禪心自劫灰空塔思靜理不敢破
莓苔

過恒陽題竹

東吳 恒齋

我家吳江江水涘繞園修竹千竿齊風前環珮憂
寒玉月下倒影涵清漪年來偶作金門客平安不
識今如昔幽懷徒有夢相牽欲覓此君那可待風
霜兩鬢來恒陽馬首千尺紅塵揚文昌祠下適相
值不覺灑氣填穹蒼縱目凝神思無已毛骨脩脩

淨於洗餒如義士端人同室廬置我此身霽月光

風寒世間草木皆可憐何物於此多勤奉大都物

各有所契使我懷古心茫然君不見三月春光散

時綺碧桃紅杏含輕雨千樹萬樹搖東風一朝零

落委塵土又不見長安甲第連青霄金張衛霍爭

矜驕虛名一去不復故綺窗翠幙懸蠓蜻朔風簷

發寒威冽萬里山川擁霜雪何如此君獨立大塊

間猶自亭亭挺高節我明發矣將之唐聊贈新吟

別意長大開支戟老鴉手墨花灑破君西墻

望嶽

淮南陶 澂

地絡來萬里茲山峙其北蟠固作右輔雄關盡分
職東臨飛狐道南連太行色設險理自然所貴在
修德縮思百王後祀事各有則殿闕虛至今闕歲
幾千億比聞嶽靈怒驅石爲霹靂荒城雲氣中彷彿
此栖息罽毼卷清畫碑版尚遺直四壁圖車旂
幼眇不可測寒飈蕩林末翩翩歸鳥集高天何寂

瑤草一食生羽翼

觀恒嶽廟壁吳道子太官圖

吳生畫手稱絕倫千年墨澤猶新會圖著名洛

城北五聖龍褒何於嶽今年遠遊歸帶鏡花飛滿

前常暮春孤城畫帶倚山色塵埃若瓦爭蜂响入

門留景盡清涼昔生地凡清無塵殿中虛壁動光

怪星流耀未伏惟千官夾路香珠相百靈供奉

遊蓬逡一人散髮垂髯秀骨清御者巾紅巾鞭驅
赤糾駕雲氣玉女童童乘輿車商豐隆作怒兩師喜
猶狂無數誰能馴丹青之妙竟若此想像顧陸皆
前身當時奇思豈易發定有劍鋒橫秋晏我來觀
久忽生怖智慮銷况母乃真呼嗟平古人胸臆絕
無滯不然此道安能辦

遊少容山

貯江滄 酉

鱸村烟藹平原河流和委屬傳聞少容人縹緲駐
巖谷此事誠荒唐往往誣仙謁洞門但寂寥山果
垂其麓摘果飲寒泉我意良已足悵矣懷古情長
歌采芝曲

相嶽

需化李呈祥

萬國羣瞻泰岱崇恒山列嶂表靈同辰居星拱參
元化忝谷春舍殿厥功業望儀先三代設莊嚴氣
共五臺通莫言道終無仙骨一石曾飛鎮紫宮

其二

靈祠亦以潭源名，雲氣靈從大茂生。
自古神功開朔漠，于今廟貌壯孤城。
龍文近接奎章出，鸞馭遙隨天樂鳴。
正是凝寒占歲稔，朝來瑞雪慰羣情。

雜誌論

劉師峻曰事有微而可稽變有遠而相及者君子
慎焉其爲言也雜而不類列而不詮蓋已略矣然
傳其事足以爲戒攷其時可以知政亦其詳哉君
子之爲學也謹其可自鏡者以爲修省之方而奇
木異卉以及雲物寶氣之不經見者不足以爲瑞
應而祇以惑庸人之耳目其害之也固宜且細大

不遺儒者之事數編史書爲政之要然後知古人
之傳信傳疑者各有其意也後之覽者無以爲玩物
飾情之具則庶乎知此志之志也夫作雜志

陽縣新志

雜誌

災祥

宋

孝宗淳熙十二年春正月金定州路曲陽進嘉
禾二本六莖異畝同穎

明

萬曆十三年秋七月二十二日夜龍起尊經閣

後

二十九年朝嶽門楊樹下生靈芝二本其色黃
三十五年夏四月嶽廟中楸樹災

本朝

順治十三年五月文廟東古楊一株有龍從樹
中飛出作霹靂聲其樹日焚火數十丈竟日不

絕

雜志

佚事

晉

永嘉五年縣民黃慶宅左有園每種菜輒魚異
入夜常有光道士傅德古使人掘之獲玉印一

文曰長承萬福

見齊書

前燕

慕容儁壽光二年常山祠樹根之下得璧七十

圭七十三光色有異常玉儁謂嶽神之命特以

太牢祀之

見前燕錄

唐

魏確清苑人則天二年於嶽祠前見二人一白
衣一紫衣儀衛甚盛自云是五嶽大使將發兵
六十萬衆爲國討賊今者五嶽之神來此大會
確猶遷延未去神怒牽入廟中隨之

栢巖禪師與賈島友善世居山陽之嫌薄村交

宋慶母顏氏慶有子五師其四也幼聰穎過人
樂修淨土業遂請命於父許之就栢巖薙髮行
行最苦能參內典博羣書爲沙門之傑云

